



Fernand ETGEN  
President vun der  
Chamber vun den Deputéierten  
19, um Krautmaart  
L-1728 Lëtzebuerg

Lëtzebuerg, den 10/08/2022

**Här President,**

**Sou wéi den Artikel 80 vun eisem Chambersreglement et virgesäit, bieden ech lech, dës parlamentaresch Fro un d'Ministere fir Energie & Ëmwelt, Klima an nohaltëg Entwécklung weiderzeleeden.**

Mir gouf ee Fall zougedroen, wou eng Persoun an hirem Haus wollt d'Gasheizung duerch eng ëmweltfrëndlech Wärmepompe ersetze loossen, dëst awer duerch hire Kontrakt mat hirem Gasliwwerant verbuede krut. Et handelt sech dobäi awer net, wéi an der Fro n°6192 beschriwwen, ëm de Gasliwwerant Sudenergie, mee ëm een anere Liwwerant.

Aus den Informatiounen, déi mer virleien, léisst sech erausliesen, dass dës Liwwerant drop behaupt, dass ee ganze Lotissement mat enger Zentralheizung op Basis vu Holzpellets gehëtzt sollt ginn. Dësen Heizsystem ass awer nach net prett a gëtt zënter Joren "iwwergangsweis" mat Gas gehëtzt, wat bei den aktuelle Gaspräisser fir d'Leit Rechnungen am Wäert vun honnerten Euro wäert bedeiten. D'Persounen an dësem Lotissement dierfen deemno net op eng Wärmepompe ëmsteigen a mussen esou laang, wéi de Pellet-Uewen nach net steet, op d'Gasheizung zeréckgräifen.

An deem Zesummenhang wéilt ech de Ministeren dës Froe stellen:

1. Wéi eng Technologie ass, dem Energieminister no, méi ressourcëschonend an nohalteg: d'Wärmepompe oder d'Pelletheizung?
2. A wéi enge Situatioune kënnen d'Leit aktuell dru gehënnert ginn, fir eng Wärmepompe bei sech doheem z'installéieren?
3. Wéi vill Wunnengen hei am Land sinn aktuell an enger änlecher Situatioun, wéi déi an der Intro beschriwwene Fall, a bei deenen d'Besëtzer aus kontraktuelle Grënn keng Wärmepompe dierfen installéieren?

Mat déiwem Respekt,



[www.piraten.lu](http://www.piraten.lu)



GOERGEN Marc

Député



[www.piraten.lu](http://www.piraten.lu)